

U skladu sa članom 94. Zakona o osnovnom odgoju i obrazovanju („Službene novine Kantona Sarajevo” broj: 23/17, 33/17, 30/19, 34/20 i 33/21) i člana 86. Pravila Javne ustanove Osnovne škole “Hašim Spahić” Ilijaš broj: 01-566/15 od 29.06.2015. godine, Školski odbor Javne ustanove Osnovne škole “Hašim Spahić” Ilijaš na četrdesetsedmoj (XLVII) sjednici održanoj dana 19.01.2022. godine donosi:

PRAVILNIK O DOPUNAMA PRAVILNIKA O RADU PRODUŽENOG BORAVKA JAVNE USTANOVE OSNOVNA ŠKOLA „HAŠIM SPAHIĆ” ILIJAŠ

Član 1.

U Pravilniku o radu produženog boravka Javne ustanove Osnovne škole “Hašim Spahić” Ilijaš broj: 01-1498/20 od 16.12.2020. godine iza člana 24. dodaje se novi član 25. koji glasi:

“Član 25.

(Davanje u zakup prostorija produženog boravka škole)

(1) Školski odbor škole može prostor u kojem se pružaju usluge produženog boravka, izdati pod zakup pravnoj osobi koja je registrovana za pružanje pomoćnih uslužnih djelatnosti u obrazovanju.

(2) Prostor produženog boravka se izdaje na osnovu Zahtjeva pravne osobe iz stave (1) ovog člana koji se podnosi Školskom odboru škole.

(3) U slučaju da Školski odbor škole odobri Zahtjev iz stave (2) ovog člana, direktor škole sa pravnom osobom iz stava (1) ovog člana zaključuje Ugovor o zakupu prostorija produženog boravka škole, kojim se detaljnije reguliše način korištenja prostorija produženog boravka.

(4) Nakon zaključivanja Ugovora o zakupu prostorija produženog boravka škole, pravna osoba iz stave (1) ovog člana, je u potpunosti odgovorna za rad produženog boravka, na način da ista obezbjeđuje ishranu učenicima u produženom boravku, angažuje radnike u produženom boravku te organizuje aktivnosti učenika u produženom boravku.

(5) Ugovorom o zakupu prostorija produženog boravka škole, utvrđuje se iznos zakupnine na način da mjesečna naknada za korištenje prostorija produženog boravka škole iznosi 200,00 KM.”

Član 2.

Dosadašnji član 25. postaje član 26.

Član 3.

Ovaj Pravilnik stupa na snagu danom donošenja.

Broj: 01-100/22

Ilijaš, 19.01.2022. godine

Predsjednik Školskog odbora

Nedim Matoruga